

MY LAND

Die Regering

Ek dring daarop aan dat daar in die eerste plek met smeking, voorbidding en danksegging gebed moet word vir alle mense, vir dié wat regeer en vir almal wat gesag uitoefen, sodat ons 'n rustige en stil lewe kan lei in volkome toewyding aan God en in alle eerbaarheid.

1 Timoteus 2:1-2



24-7 GEBED VIR HERLEWING

16-22 Junie 2025

Ons nooi jou uit om saam met ons te bid hierdie tweede week van 'n reeks van vier dele wat fokus op 'Maatskaplike Sekerheid', 'Die Regering', 'Die Kerk' en 'Die Onderwys'.

Sit hierdie tweede week tyd opsy om te bid vir die Regering in jou land en vir lande in konflik. Vra die Here om regeringsleiers te help om in wysheid te wandel, geregtigheid te handhaaf, vrede te soek en met integriteit te regeer. Bid dat die Heilige Gees oor elke regering uitgestort sal word en hulle leiers se harte sal lei om die Here te vrees.

MAANDAG 16 JUNIE 2025

GEREGTIGHEID

Gehoorzaamheid aan die Here laat 'n volk sterk staan... (Spreuke 14:34).

Indonesië se konflik met Papoea-Nieu-Guinee behels territoriale geskille en separatistiese bewegings in Papoea wat onafhanklikheid soek.

Indonesië is 'n demokratiese republiek met 'n presidensiële stelsel, verkose leiers, 'n veelparty-wetgewer, 'n onafhanklike regbank en gedesentraliseerde regering in 38 provinsies.

Kom ons bid

- Bid vir leiers in jou land om geregtigheid lief te hê en ongeregtigheid te haat, wat God se goedheid en begeerte na regverdigheid weerspieël.
- Vra God om Sy geregtigheid in elke departement van die regering in Indonesië te vestig, want *geseënd is die nasie wie se God die Here is (Psalm 33:12).*

DINSDAG 17 JUNIE 2025

REGVERDIGHEID

Mens, die Here het jou bekend gemaak wat goed is: Hy vra van jou dat jy reg sal laat geskied... (Miga 6:8).

Laos het tans geen aktiewe konflikte met ander lande nie. Dit handhaaf oor die algemeen vreedsame betrekkinge met bure soos Thailand, Viëtnam en China.

Laos is 'n eenparty-sosialistiese republiek onder leiding van die Laos People's Revolutionary Party, wat sedert 1975 die regering, weermag en media beheer.

Kom ons bid

- Bid vir leiers in jou land om ware geregtigheid te voltrek – dit weerspieël God se karakter en is nodig vir 'n regte verhouding met Hom en ander.
- Vra God dat Sy regverdigheid in Laos sal deurbreek; om regverdig te wees beteken om ons naaste lief te hê, nie net in woorde nie, maar ook in daede.

WOENSDAG 18 JUNIE 2025

NEDERIGHEID

Maar by julle moet dit nie so wees nie. Elkeen wat in julle kring groot wil word, moet julle dienaar wees. (Matteus 20:26).

Mianmar het grensspanning met Bangladesj, Indië en China as gevolg van vlugteling wat instroom, etniese konflikte en militêre botsings wat oor grense spoel.

Mianmar se militêr-geleide regering het in 2021 die mag oorgeneem, demokrasie onderdruk, vryhede beperk en as gevolg daarvan staan dit weerstand van etniese groepe en pro-demokrasie-magte in die gesig.

Kom ons bid

- Vra die Here om jou leiers nederigheid te gee; om te dien weerspieël Jesus se karakter en laat die Heilige Gees toe om trots te omskep in doelgerigtheid en posisie in nederigheid.
- Bid vir leiers in Mianmar wat mag en gesag uitoefen; dat God hulle harte verander om Syne te weerspieël.

DONDERDAG 19 JUNIE 2025

WYSHEID

As een van julle wysheid kortkom, moet hy dit van God bid, en Hy sal dit aan hom gee, want God gee aan almal sonder voorbehoud en sonder verwyf. (Jakobus 1:5).

Taiwan staan komplekse geopolitieke spanning in die gesig waarby verskeie lande betrokke is, hoofsaaklik as gevolg van sy betwiste status en strategiese betekenis. Die belangrikste lande wat betrokke is, is China, Rusland, Noord-Korea, Mianmar en die Filippyne.

Taiwan funksioneer as 'n semi-presidensiële republiek met 'n vyf-tak-regeringstelsel, wat demokratiese waardes en burgerlike vryhede beklemtoon.

Kom ons bid

- Bid vir leiers in jou land om God vir wysheid te vra, want menslike wysheid is beperk en hulle het Sy ewige perspektief nodig.
- Vra die Here om leiers in Taiwan op te rig met geestelike insig wat voortspruit uit 'n verhouding van eerbied met Hom.

VRYDAG 20 JUNIE 2025

BETROUBAAR

Wie opreg leef, leef sonder vrees... (Spreuke 10:9).

Maleisië het teen die Filippyne se maritieme wette geprotesteer oor jarelange gebiedseise. Maritieme geskille met Indonesië duur ook voort, terwyl betrekkinge met Thailand vreedsaam bly.

Maleisië het 'n federale grondwetlike monargie met 'n parlementêre stelsel, waar die koning as 'n seremoniële staatshoof dien.

Kom ons bid

- Bid dat die leiers van jou land betroubaar sal wees, want Jesus het in volmaakte integriteit gewandel. Sy woorde, daede en hart was in lyn met die Vader se wil.
- Vra die Here om leiers in Maleisië op te rig met integriteit, die fondament van ware leierskap, aangesien Sy troon gebou is op geregtigheid en integriteit.

SATERDAG 21 JUNIE 2025

VREDE EN WAARHEID

...Soek vrede en jaag dit na! (Psalm 34:15).

Indië staan territoriale geskille met verskeie buurlande in die gesig, gewortel in historiese ooreenkomste, grense uit die koloniale era en strategiese belange. Hierdie lande sluit in Pakistan, China, Nepal, Bangladesj, Mianmar en Sri Lanka.

Indië is 'n federale demokratiese parlementêre republiek met 'n tweekamerwetgewer, 'n seremoniële president en 'n uitvoerende gesag onder leiding van die premier.

Kom ons bid

- Vra die Here om jou land se leiers in vrede en waarheid te verenig, want God is die God van vrede, en die strewe na vrede weerspieël Sy karakter in ons.
 - Bid vir vrede in Indië en dat hulle versoening bo konflik sal kies.
-

SONDAG 22 JUNIE 2025

GOD SE GESAG

Daar is immers geen gesag wat nie van God kom nie... (Romeine 13:1).

Pakistan is in konflik met Indië oor Kasjmir, met voortdurende territoriale geskille. Spanning met Afghanistan en die Verenigde State van Amerika duur voort oor terrorisme.

Pakistan is 'n federale parlementêre republiek met 'n president as seremoniële staatshoof en 'n premier as uitvoerende leier.

Kom ons bid

- Bid vir die leiers in jou land om God se gesag te erken, want sodoende erken hulle dat Hy die soewereine heerser van die hele skepping is.
 - Vra die Here om elke hart in Pakistan wat die self bo Hom verhef te verneder, want Hy moet meer word en ons minder (Johannes 3:30). Nederigheid stel Jesus se teenwoordigheid, invloed en heerlikheid bo ons ambisies, trots of begeerte na erkenning.
-